



**Ilmo Concello de CAMBADOS (Pontevedra)**

## INFORME DE SECRETARÍA

En cumprimento do disposto no artigo 3 do RD 1174/1987, de 18 de setembro, emítese informe sobre o borrador do regulamento do réxime xurídico, xestión, uso e utilización das instalacións deportivas de titularidade do concello de cambados.

**PRIMEIRO.-** Consecuencia da autonomía local institucionalmente garantizada, é o recoñecemento a favor dos Entes Locais que integran a Administración Local dunha potestade administrativa como é a potestade regulamentaria que se considera pola LRBRL (artigo 4) intérprete do conxunto de potestades das que gozan os Entes Locais para que poidan participar, por medio de órganos propios, no goberno e administración de cantos asuntos lles afecten, exercendo as súas competencias. Trátase pois da potestade atribuída ós entes locais de dictar normas de carácter xeral con unha forza paralela á que teñen os regulamentos estatais ou autonómicos, creando así un ordenamento xurídico propio, e o seu exercicio debe ser sempre respetado polo legislador ordinario. Potestade que, de calquera modo, atópase sempre implícita no propio concepto do término autonomía, que ten como un dos seus significados, a capacidade de autonormarse.

A LRBRL, que como sabemos, constitúe o marco legal definidor do dereito constitucional da autonomía local, atribúe ós municipios na súa calidade de Administracións Públicas de carácter territorial dentro da esfera das súas competencias, as potestades regulamentarias e de autoorganización (artigo 4.1.a. da Lei 7/85). Dita previsión atópase prevista no articulado da mesma norma, concretamente no 84.1.a) que establece que as Corporacións Locais poderán intervir a actividade dos seus cidadáns a través de Ordenanzas e Bandos.

No caso que nos ocupa o artigo 30 do Decreto do 17 de xuño de 1955, polo que se aproba o Regulamento de Servizos das Corporacións Locais establece que as Corporacións Locais terán plena capacidade para constituir, organizar, modificar e suprimir os servizos da súa competencia tanto na orde persoal coma na económica e calesquera outros aspectos, con respecto á Lei de Réxime Local, e aos seus Regulamentos e demais disposicións de aplicación.

**SEGUNDO.-** En canto ao articulado

Non existe ningunha obxección ao articulado no regulamento, nembargantes paréceme desmesurado o previsto no artigo 36.3 no que se prohíbe o uso do pavillón de fitness aos menores de 16 anos, descoñecendo se actualmente algún usuario é menor de 16 anos.

**TERCEIRO.-** En canto ós límites da potestade regulamentaria veñen impostos polo respecto a:



## **Ilmo Concello de CAMBADOS (Pontevedra)**

- O principio de legalidade e da súa consecuente xerarquización de normas.
- O principio de competencia territorial, material ou obxectiva e orgánica.
- Os límites fixados, no seu caso, pola lei sectorial ou, no seu defecto pola lexislación de Réxime Local.
- Os límites formais da súa aprobación e publicación.

### **CUARTO.- Procedemento:**

1º.- Aprobación inicial da modificación co quórum da maioría simple (previo ditame da comisión informativa).

2º.- Información pública e audiencia ós interesados polo prazo mínimo de 30 días hábiles para a presentación de reclamacións e suxerencias. A LRBRL, a diferenza do RDL 2/2004, polo que se aproba o Texto Refundido da Lei Reguladora das Facendas Locais para as Ordenanzas Fiscais, non precisa que a apertura do período de información pública deba anunciarse no BOP ou simplemente sexa suficiente coa inserción no taboleiro de edictos da Corporación, por ilo haberá de estarse ó que dispoña ó efecto o artigo 83.2 da Lei 39/2015, que establece que o período de información pública, realizarase a través de anuncio no Diario Oficial correspondente, a fin de que calquera persoa física ou xurídica poida examinar o expediente, ou a parte do mesmo que se acorde. O anuncio sinalará o lugar de exhibición, debendo estar en todo caso a disposición das persoas que o soliciten a través de medios electrónicos na sede electrónica correspondente e determinará o prazo de alegacións, que en ningún caso poderá ser inferior a vinte días. (Neste caso concreto 30 días e publicación no BOPPO). Doutra parte ao esixirse non só información pública, senón tamén a audiencia aos interesados, deberá notificarse no trámite ás organizacións e asociacións recoñecidas (artigo 105.a da Constitución Española) que representen, neste caso, ós intereses dos veciños, pois noutro caso, habería de notificarse a todo éstos. Neste senso, a Sentencia do Tribunal Supremo, de 14 de xuño de 1994, sinala que a expresión “audiencia dos interesados”, obriga non só á normal publicación oficial do acordo de apertura do trámite de información pública, senón tamén a efectuar unha notificación individual (artigo 194 do ROF) en todos aqueles casos en que existan afectados ou interesados que estén claramente determinados e resulten coñecidos pola Administración, para que poidan defender os seus dereitos e intereses lexítimos. Non podendo ser tales, unha categoría completa de persoas (neste caso a todos os veciños do Concello).

O trámite de información ás entidades corporativas e representativas dos intereses afectados pola disposición equivale e substitúe ó de audiencia dos interesados. A través do Rexistro Municipal de Asociacións Veciñais, ao que se refire o artigo 236 do ROF, pódese dar cauce á audiencia corporativa referida, neste caso concreto ás asociacións empresariais.



**Ilmo Concello de CAMBADOS (Pontevedra)**

Rematado o período de información pública, o Pleno, nun acto unitario, debe resolver as reclamacións e proceder á súa aprobación definitiva. No caso de que non se presentase ningunha reclamación ou suxerencia, entenderáse definitivamente adoptado o acordo ata entón provisional. O quorum esixido para a súa aprobación é o de maioría simple.

Publicación: Dacordo co disposto no artigo 70.2 as Ordenanzas, publicaránse no BOPPO e non entrarán en vigor ata que se publique completamente o seu texto e transcorra o prazo previsto no artigo 65.2, iste prazo é de 15 días hábiles con que conta a Administración do Estado e, no seu caso, as Comunidades Autónomas, para formular o requerimento de anulación do Regulamento, contados a partires do seguinte a aquel en que sexa remitida en cumprimento do disposto no artigo 56 da LRBRL (seis días para a remisión mais quince días para o requerimento - artigos 196.3 e 215.2 do ROF),.

*E este é o meu informe, que someto a calquera outro mellor fundado en dereito, sen prexuízo, de que o Pleno, co seu máis alto criterio estime o que considere oportuno.*

En Cambados. O Secretario Xeral

Documento asinado electrónicamente